



KOMMUNALBESTYRELSIP
IMMIKKUT ITTUMIK ATAATSIMIINNERA
TALLIMANNGORNEQ 1. MARTS 2024 NAL. 09:00

Peqataasut:

1. Aqqalu C. Jerimiassen (A)
2. Knud Kleemann (A)
3. Palle Jerimiassen (AT), borgmesteri
4. Lena Ravn Davidsen (D)
5. Bendt B. Kristiansen (IA)
6. Jens Ole Nathanielsen (IA), borgmesterip tullia siulleq
7. Niels Davidsen (IA)
8. Anthon Frederiksen (N),
9. Jens Napâtok' (N)
10. Ane Qujaukitsoq (S)
11. Elisabeth Nielsen (S)
12. Jakob Petersen (S)
13. Jens Kristian Therkelsen (S)
14. Jørgen Kruse (S)
15. Margrethe Christensen (S)
16. Sakio Fleischer (S), borgmesterip tulliata aappaa
17. Timotheus Petersen (S)

Imaqarniliortoq:

Nick Nielsen, pisortaaneq

Immikkut aggersakkat:

Pisortaqatigit

Oqalutsit:

Ataatsimeeriaaseq:

Teams-ikkut

KOM	QUEQUTAQ	BILAG
009	Avannaa Development A/S, kiffartuussinermut akilummik appaaneq	001
010	Avannaa Arctic Games pilersinnissaanut atatillungu angalanissaq	002
011	Kommunalbestyrelsip innuttaasumut nersorinninnissamut periarfissai	003
012	Qeqertarsuup tunuani inuussutissarsiutingalugu qassutit atorlugit qaleralinniarnermi ileqqoreqqusassatut siunnersuut	004
013	Kommunip akingititaanik tulluussaaneq	005
	Matoqqasoq	
014		006

Aaliangiineq:

Sags nr.	Sammisaq	Bilag nr.	001
KOM 009	Avannaa Development A/S, kiffartuussinermut akiliummik appaaneq	Journal nr.	

Uteqqiineq:

Avannaa Development inissianik piginnittuuvoq attartortitsisarlunilu. Tamatumunnga atatillugu kommuni kiffartuussinermut ingerlatsiveqarfimmut akiliuteqartarpoq (servicebidrag). Inissiat attartortinneqartarput, inissiat namminersortunit pigineqartut attartortinneqartarneranni malittarisassat malillugit. Avannaata Kommuniata ingerlatsiviullu kiffartuussinermut akiliuteqartarneq sivitsortussaavaat. Siunnersutigineqarpoq akiliut tamakkiisoq apparinnejqassasoq. Suliami matumani kommunalbestyelsip isummerfigissavaa kiffartuussinermut akiliut apparinnejqassanersoq.

Suliamik saqqummiussineq:

Kommunip ineriartortitsinermut ingerlatsiveqarfiutaa, Avannaa Development A/S inissianik piginnittuuvoq attartortitsisartuullunilu. Ingerlatsiveqarfik aamma allanik suliaqarpoq. Tamatumunnga atatillugu ingerlatsiveqarfik kiffartuussinermint komunimit qaammammut kr. 221.250,-nik akilerneqartarpoq.

Avannaa Development A/S Ilulissani eqqaanilu, inissianik attartortittakkaniq pigisaqarpoq allaffissornikkullu ingerlataqarluni. Inissiat attartortinneqartarput, inissiat namminersortunit pigineqartut attartortinneqartarneranni malittarisassat malillugit.

Avannaata Kommuniata aamma Avannaa Development-ip isumaqatigiissupput malillugu kiffartuussinermut isumaqatigiissut sivitsortussaavaat. Siunnersutigineqarpoq kiffartuussinermut akiliut qaammammut kr. 200.000-inut apparinnejqassasoq. Appartitsinermut annikitsumut tunngavagineqarpoq, ingerlatsiveqarfiup pilersinneqarnerminit maannamut aningasaqarnermigut naleqquaanera. Ataatsimut isigalugu ingerlatsiveqarfiup aningasaqarnera pitsaavoq, anginerusumillu tapiiffigineqarnissaminut pisariaqartitsinani.

Aningaasatigut kinguneqaatissat:

Akiliuteqartarneq ingerlareerpoq, aningaasallu atugassat missingersuummi ilaareerput, taamaattumik aningaasatigut kinguneqartussaanngilaq, eqqaassanngikkaanni qaammammut kr. 21.250-nik sipaarutissaq.

Inatsisitigut toqqammavigisat:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq

Aningasaqarnermut Ataatsimiititaliaq
Kommunalbestyrelsi

Aningasaqarnermut Ataatsimiititaliap aaliangernera:

*Allattoqarfiup Aningasaqarnermut ataatsimiititaliamut inassutigaa
Kiffartuussinermut akiliutip qaammammut kr. 21.250-nik apparneqarnissaa ataatsimiititaliap akuerissagaa*

Aaliangerneq:
Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimeut inassutigaa

Aningaasaqarnermut Ataatsimiititaliap inassutaa ilalerneqassasoq

Ilanngussaq:

Soqanngilaq

Aaliangiineq:

Sag nr.	Sammisaq	Bilag nr.	002
KOM 010	Avanna Arctic Games pilersinnissaanut atatillungu angalanissaq	Journal nr.	

Uteqqiineq:

Ukiup siuliani kommunalbestyrelsi aalingernikuovoq timersornermi aaqqissuussinerit kulturikkut aallaaveqartut kommunimi ingerlanneqartalissasut, tamatumalu kingunerisaanik borgmesteri siuttoralungu Arctic Winter Games Canadami ingerlanneqarmat akilernermermi peqataasussanik iluatsilluartumik qammaasoqarnikuovoq.

Pileraarutit ingerlaqqipput suliallu tingussaasunngorlutik, taamaattumik nunatta avataani nunat pingasut kissaataavoq qaaqquneqassasut nassuaanneqarlutillu ingerlanneqartussap imarisaanik peqataanissamullu sinaakkutaasut pillungit. Uani suliami kommunalbestyrelsip oqallisingissavaa Arctic Winter Games-imi Alaskami ingerlanneqartussami kommunimiit peqataasoqassanersoq.

Suliap saqqummiunnera:

Kommunalbestyrelsi ukioq 2022 naalersoq aaliangerpoq punktip 07-22 oqallisingineqarnerani inuit timersuutaannik Avannaata Kommuniani ingerlatsisoqartalissasoq. Siunertaavoq nunatsinniit akilinermiillu aaqqissuussinermi Avanna Arctic Games-imik taaneqartumit peqataasoqartassasoq.

Ukioq kingulleq kommunimiit angalatinneqartut Wood Buffalo-mi oqaloqatinginipput, angalanermi paasinarsivoq taama aaqqissuussisoqassappat naggueqatitsinneq soqutingineqartoq.

Sulinerit ingerlasimapput pileraarutaavorlu nunat sisamat Avanna Arctic Games-imi peqataassasut, Nunavut, Nunavik, Alaska nunarpullu. Nunat tamarmik takorloorneqarpoq 20 missaannik peqataatitaqassasut. Pileraarutaavoq aappaangu februar qeqqani Avanna Arctic Games Ilulissani ingerlanneqassasoq, timersuutit isikkaneq marluk missaaniittut ingerlanneqassapput. Inuit timersuutaat pineqarput, taakkua avataatingut pakassumminneq ingerlanneqarluni.

Avanna Arctic Games piviusunngortinnissaanut malitseqartitsinissat alloriarnermi tullinnguupput.

Iluarsiinissamut siunnersuut – sammisanut tunngatillugu nalilersuineq

Avanna Arctic Games piviusunngortinnejassanguni aningaasaliisoqartariaqassooq. Ukioq kingulleq ICC aaqqissuunneqarmat kr. 4.5 mio. missaat atorneqarput, allattoqarfimmiit missingiupparput tamatuma missaani aningaasanik illikarttsisoqartariaqarpoq Avanna Arctic Games piviusunngortinnejassappat. Kommunalbestyrelsip ukiup ingerlanerani suliaq ingerlaqqissappat aningaasaliinissaq immikkut oqallisingisariaqarpaa aaliangiiffingalungulu.

Kommunalbestyrelsip aaliangernera 2022-imi malitseqartinnejassappat sukumiisumik qaaqqusinissaq ingerlanneqartariaqarpoq. Uanilu peqataasussat takorloorneqartut ornillungit oqaloqatinginissaat pisariaqalerpoq. Taamaattumik kommunimiit Arctic Winter Games Alaskami ingerlanneqalerpat peqataasoqarnissaa pisariaqarpoq. Uani qaaqqusassat sukumiisumik paasisariaqarpaat Avanna Arctic Games-imi peqataanissamut qanoq sinaakkusiisoqassanersoq, assersuut angalanissat qanoq aningaasalersorneqassappat, peqataasussat Ilulissani qanoq najungaqassappat il. il.

Aaqqissuussineq ukioq ataaseq qaangiuppat iluatsissappat ingerlanneqassooq, taamaattumik sulinerit annertusisamik aallartittariaqarput. Ukioq kingulleq angalaneq ugguna iluatsippoq, Avanna Arctic Games naggueqatitsinnit ingerlanneqartussaasoq ilisimaneqalermat. Uani angalanissami aggersumi taaneqareersutuut sukumiisumik peqataasussanut pileraarutit saqqummiunneqassapput.

Ingerlariaqqinnissaq

Qulequtaq akuerineqaruni Arctic Winter Games-imi borgmesteri, illuatungiliuttuniit kommunalbestyrelsimi ilaasortaq, pisortaaneq Peqqinneq Sunngiffimmiillu Immikkoortortaqarfimmiit atorfilik peqataassapput. Arctic Winter Games-mi ukiormanna ingerlanneqassooq Mat-Su, Alaska-mi illoqarfik. Ulluni martsip 10-nganiit 16-anut Arctic Winter Games ingerlanneqassooq.

Aningaasaqarnermi kingunerisinnaasat:

Nunatta timersoqatingiiffia tassani lu siulersuisuni siulittaasoq allattoqarfianilu pisortaq siunertaq pillungu attavingineqarput, siunertaq tapersorsorneqarpoq, kisianni aningaasartuit kommunip nammineq ingerlatissuai. Qulaani taaneqartut inuit sisamat angalanermi peqataassapput.

Angalanissaq katillungit kr. 120.000,- missaani naleqassasoq missingerneqarpoq, taakkualu sinaakkutit iluanni ingerlanneqassapput.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Aningaasaqarnermut Ataatsimiititaliaq
Kommunalbestyrelsi

Aningaasaqarnermut Ataatsimiititaliap aaliangernera:

*Allattoqarfíup Aningaasaqarnermut Ataatsimiititaliamut inassutingaa
Avannaa Arctic Games piviusunngortinnissaa siunertaralungu borgmesteri, illuatungiliuttuniit ataaseq atorfillillu marluk Arctic Winter Games Alaskami ingerlanneqalerpat peqataassasut ataatsimiititaliap akuerissangaa*

Aaliangerneq:

Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimit inassutigaa

Aningaasaqarnermut Ataatsimiititaliap inassutaa ilalerneqassasoq

Ilanngussat:

Bilag 002-01: GIF kommunillu akornanni allaqatingiinnerit

Bilag 002-02: Angalanermi qaaqqusissutissatut saqqummiunneqartussaq

Aaliangiineq:

Sag nr.	Sammisaq	Bilag. nr.	003
KOM 011	Kommunalbestyrelsip innutaasumut nersorinninnissamut periarfissai	Journal nr.	

Uteqqiineq:

Kommunerujussuit aallartinnginnerini innutaasunik nersorinninnej aamma innutaasunik ataqqinaammik innutaasunngortitsisarnej ingerlanneqartarsimapput, tamannali kommunerujussuit aallartimmata ingerlanneqarsimanngilaq. Avannaata Kommuniani tamanna eqquteqqinniarlugu inassutigineqarpoq, kommunimi innutaasunik nersorinnissinnaanneq aamma innutaasumik ataqqinaammik innuttanngortitsisinnaaneq aallarteqqinnejqassasoq. Inassutigineqartoq akuerineqassanersoq oqallisigineqassooq.

Suliap saqqumiunnera:

Ukioppassuarni kommuutoqaasimasut ileqqorisimavaat innutaasumik nersorinninnerit ingerlanneqartarnerat assersuutingalungu ataqqinaammik innutaasunngortitsinermi imaluunnit immikkut nersorinninniarnermi innutaasup immikkut suliaqarsimanera peqqutaatinneqarluni. Kommunerujussuit pilersinneqarmata ileqqoq atorunnaarsimavoq illuatungaani komunalbestyrelsi aaliangersimavoq assersuutingalungu timersullammammik toqqaasoqartassasoq, aaqqinerlu ukiut tamaasa ingerlanneqartarpoq. Kommunalbestyrelsimi ilaasortat kissaatingaat siammasinnerusumik nersorinninniarnerit ingerlanneqarsinnaanerat aqqutissiunneqassasoq.

Iluarsiinissamut siunnersuut – sammisamut tunngatillugu nalilersuineq

Kommunalbestyrelsip suleriusai amerlanerpaat inatsisitingut toqqammaveqarput, uanili suliami aaliangersimasumik toqqammavissaqanngilaq. Taamaakkaluartoq komunalbestyrelsi isumaqarpoq kommunimi innutaasumik nersorinninninnerit tassuunakkullu aningasanik annertunngittunik tunniussisoqartarluni aaqqinerit ingerlanneqartalissasut.

Nersorinninnerit innutaasoq immikkullarissumik angusaqarsimappat imaluunnit innutaasoq ataqqinaammik kommunimi inuttaasinnaanera aqqutissiunneqarsinnaalissapput, taamatut aaqqinermermi taaneqareersutuut immikkullarissumik innutaasoq inuaqatingiinnut sunniuteqarlarsimasumik suliaqarsimassaaq.

Innutaasut immikkut nersorinnikkumallutik imaluunnit ataqqinaammik innutaalertussamik inassuteqarlutik allangaqarsinnaapput. Inassuteqaatit Aningaasaqarnermut Atatsimiititaliamut ingerlatinneqassapput tassanngaanniillu piukkunneqartut komunalbestyrelsimit ingerlatinneqassapput inarutaasumik oqallisingineqarlutik aaliangiiffingineqarlillu. Aningaasaqarnermi Atatsimiititaliami inassuteqaat ingerlaqqinngikkuni suliaq unitsinnejqassooq.

Ingerlariaqqinnissaq

Suliaq akuerineqaruni innutaasunut nalunaarutingineqassooq atuutilerlunilu.

Aningaasaqarnermi kingunerisinnaasat:

Aningaasat nersorninninnermi tunniunneqartassapput kr. 5.000,-

Aningaasat ataqqinaammik innutaasunngortitsinermi tunniunneqartassapput kr. 8.000,-

Inatsisitigut tunngavigisat allagaatillu toqqammavissiisut:

- Kommunit aqunneqarnerat pillugu Inatsisartut inatsisaat nr. 29, 17 november 2017-imeersoq

Suliamik isumaginninneq:

Inerisaanermut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Inerisaanermut Ataatsimiititaliap aaliangernera:

*Allattoqarfiup inassutingaa Inerisaanermi Ataatsimiititaliamut
Kommunalbestyrelsip immikkut innuttaasumut nersorinnissinnaanera imaluunnit ataqqinaammik
innuttaasunngortitsisinnaanera ataatsimiititaliap akuerissangaa*

Aaliangerneq:
Inassuteqaat akuerineqarpoq.

Aningaasaqarnermut Ataatsimiititaliap aaliangernera:

*Inerisaanermut Ataatsimiititaliap Aningaasaqarnermi Ataatsimiititaliamut inassutingaa
Inerisaanermut Ataatsimiititaliap aaliangernera ilalerneqassasoq*

Aaliangerneq:
Inassutigineqartoq akuerineqanngilaq.
Ataqqinaammik innuttaasunngortitsisarneq immikkut suliassatut punktinngorlugu inassutigineqarpoq.
Aappaali nersorinninnermut inassutigineqartoq taamaalillugu akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimit inassutigaa
Aningaasaqarnermut Ataatsimiititaliap inassutaa ilalerneqassasoq

Ilanngussat:

Soqanngilaq.

Aaliangiineq:

Sag nr.	Sammisaq	Bilag. nr.	004
KOM 012	Qeqertarsuup tunuani inuussutissarsiutingalugu qassutit atorlugit qaleralinniarnermi ileqqoreqqusassatut siunnersuut	Journal nr.	

Uteqqiineq:

Qeqertarsuup Tunuani aqutsiveqarfimmi qassusersorluni inuussutissarsiutigalugu aalisarneq pillugu ileqqoreqqusaq tulluussarneqartussaavoq. Silineq aallartinneqarpoq Ilulissani atuisut ataatsimeeqatinginerani, anguniarneqarpoq ileqqoreqqusassatut siunnersuutissap ilusissaata tulluussarneqarnissaa. Uani suliami kommunalbestyrelsi qulequataq pillungu Aalisarnermi Piniarnermilu Ataatsimiititaliap tusarniaanissaq pillungu aaliangernera ilisimatitsissutingineqarpoq.

Suliap saqqummiunnera:

Kommunalbestyrelsi aaliangernikuovoq Qeqertarsuup Tunuani aqutsiveqarfimmi qassusersorluni inuussutissarsiutigalugu aalisarneq pillugu ileqqoreqqusaq tulluussarneqassasoq. Suliaq allattoqarfimmit aallartinneqarpoq, suleriarnermilu atuisut paasiniaaffingineqarput ileqqoreqqusami allannguutissat qanoq isikkoqarsinnaandersut aaqqiiffingineqarlutillu. Kommunip ileqqoreqqusami suliaqarnermini aaliangersorsinnaasai nalunaarut naapertorlungu marlussuupput, tassalu sumiiffimmi qassusersorfioqquaanngittut nalunaarsussallungit, kiisalu ukiup qanoq ilinerani qassusersorneq ingerlanneqarsinnaasoq.

Aalisarnermut Piniarnermullu Ataatsimiititaliap januarimi ataatsimiinnerani aaliangertoqarpoq ileqqoreqqusassatut siunnersuutit ulloq 6. marts tungaanut tusarniutingineqarneri ingerlanneqassasut. Ileqqoreqqusassatut siunnersuutit ilanngussami takuneqarsinnaapput.

Aalisarnermut Piniarnermullu Ataatsimiititaliap januarimi ataatsimiikkami ima aaliangerpoq:

Akuerineqarpoq. Ilulissani innuttaasunik APIAT-ip siulittaasuata ataatsimiititsinissamut pingaartinneqarpoq nunaqarfitt Saqqaq, Qeqertaq, Ilimanaq, Oqaatsullu aamma tikinnejarnissaat peqataatinneqarnissaat, APIAT-imi ilaasortamik peqataasoqarnissaa ammaffigineqarpoq, aammalu ilaasortamik Ilulissani najugalimmik atorluaasinjaaneq ammaffigineqarluni. Angalanissamut pilersaarutissamut atatillugu allattoqarfik paasiniaavigineqassaaq.

Ingerlariaqqinnissaq

Tusarniaareernerup kingorna akissutit qanoq siunnersummut sunniuteqartingissanersut siulittaasup oqimaalutassuaa, taamaattoqassappallu Naalakkersuisoqarfik suleqatingalungu inatsisitingut allannguutissat naapertuunnersut misissorneqassooq. Tamatumalu kingorna inaarutaasumik kommunalbestyrelsimi oqallisingineqarlutik.

Aningaasaqarnermi kingunerisinnaasat:

Kommunemut aningaatigut kinguneqassanngilaq.

Inatsisitigut tunngavigisat:

- Aalisarneq pillugu Inatsiartut inatsisaat nr. 18, 31. oktober 1996-meersoq
- Sinerissap qanittuani qaleralinniarneq pillugu Namminersorlutik Oqartussat nalunaarutaat nr. 46, 14. december 2020-meersoq

Suliamik isumaginninneq:

Aalisarnermut Piniarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Aningaasaqarnermut Ataatsimiititaliap aaliangernera:

*Allattoqarfíup Aningaasaqarnermut Ataatsimiititaliamut inassutingaa
Sinerissap qanittuani Disko Bugtmi qassusersorluni ileqqoreqqusassatut siunnersuutip
tusarniutingineqarnera uanilu suliap ilisimatitsissutingineqarnera ataatsimiititaliap tusaatissatut
tingussangaa*

Aaliangerneq:

Tusaatissatut inassuteqaat akuerineqarpoq.
Sakio Fleischer-p inassutingaa imaani saliisarneq pillugu Namminersorlutik Oqartussat attavigineqassasut.

Inassuteqaat:

Aningaasaqarnermut Ataatsimiititaliap kommunalbestyrelsimit inassutigaa

Aningaasaqarnermut Ataatsimiititaliap inassutaa ilalerneqassasoq

Ilanngussat:

- Bilag 004-01: Disko Bugtmi ileqqoreqqusassatut siunnersuut
- Bilag 004-02: Nunap assinga, Ilulissat eqqaa
- Bilag 004-03: Nunap assinga, Torsukattaap eqqaa
- Bilag 004-04: Naalakkersuisoqarfimmiit oqaaseqaat

Aaliangiineq:

Sag nr.	Sammisaq	Bilag nr.	005
KOM 013	Kommunip akingititaanik tulluussaaneq	Journal nr.	

Uteqqiineq:

Piffissap imaalinerani kommunalbestyrelsimi ilaasortanit innuttaasuniillu malunginiarneqarpoq kommunip sullissinermut akingititai ataasiakkaani annertuumik qaffassimasut. Toqqammaviusumik akingititat qaffakkiartorneri apeqqusersorneqanngilaq, kisianni qaffaapiloorsimaneq tulluussaaffingineqassasoq kissaatingineqarpoq. Uani suliami Aningaasaqarnermut Ataatsimiititaliaq tulluussaanermut pisinnaatinneqassanersoq kommunalbestyelsip oqallisingissavaa.

Suliap saqqummiunnera:

Ukioq kingulleet kommunalbestyrelsi kingullermik ataatsimiikkami sullissinermi akingititat aaliangerneqarput. Akingititat susassaqarfinni marluusuni annerusumik missingersuutini paarnaqqapput, taakkua ukiormanna missingersuutlerinermi aattaat allanngorneqarsinnaallutik. Kommunalbestyrelsimi ilaasortat innuttaasallu malunginiarpaat akingititat sullissinerni assingiingittuni annertuumik qaffariarsimasut, taakkuttaalu kissaataavoq aaqqinnejqassasoq.

Iluarsiinissamut siunnersuut – sammisanut tunngatillugu nalilersuineq

Allatoqarfimmiit inassutaavoq tulluussaanerit ingerlanneqassasut. Meeqquerivinni, eqqangassalerinermi atserinermilu akingititat allanngorneqassannngillat, kisianni sullissinermi akingititat allat tulluussarneqassapput. Akit qaffakkiartornerat illuatungilersorneqanngilaq taamaattumik akingititanik qaffaaqe ingerlanneqassooq, kisianni qaffaarujussuarneq ingerlanneqassanngilaq. Allatoqarfik pisinnaatinneqassooq tulluussaanernik ingerlatsissasoq tamatumalu kingunerisaanik Aningaasaqarnermi Ataatsimiititaliaq siunnersuutaasunut akuersissalluni. Suliaq erngertumik ingerlanneqarnissaa inassutaavoq. Erseqqissarlungu akingititat qaffanneqarsimaneri apeqquserneqanngillat, kisianniuna assersuutingalungu illu sullivanik piffissami aaliangersimasumi atuineq akingitinnejartoq 1000%-imik qaffassimavoq. Taanna assersuutingalungu qaffassinnaavoq imminut illersorsinnaasumik 1000%-iunngittumik.

Ingerlariaqqinnissaq

Una akuerineqassanguni Aningaasaqarnermut Ingerlatsivik tulluussaanissamut ataqatingiissaarissaq, tamatumalu kingorna akingititanut siunnersuut Aningaasaqarnermut Ataatsimiititaliamut saqqummiullungu.

Aningaasaqarnermi kingunerisinnaasat:

Missingersuutinut sunniuteqassooq, kisianni isertitat aningaasartuutinik matussusiineq ajoramik sunniutissaa ataatsimut isingalungu killeqarpoq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17 november 2017-imeersoq

Suliamik isumaginninneq:

Aningaasaqarnermut Ataatsimiititaliaq
Kommunalbestyrelsi

Aningaasaqarnermut Ataatsimiititaliap aaliangernerā:

*Allattoqarfíup Aningaasaqarnermut Ataatsimiititaliamut inassutingaa
Kommunip sullissinermut akingititai tulluussarneqassasut ataatsimiititaliap akuerissangai
Aningaasaqarnermut Ataatsimiititaliaq pisinnaatinneqassasoq akingititanut killilimmik
aaliangersaasinnaasoq ataatsimiititaliap akuerissangaa*

Aaliangerneq:

Inassutigineqartoq akuerineqarpoq.

Tamani nalilersorneqassasoq siunnersuutigineqarpoq, soorlu aamma peqatigiiffiit katersuiniartut akiliisittareri peerneqassasut, taamaattorli piumasaqaasersortoqassasoq attartortitsisarnermi.

Inassuteqaat:

Aningaasaqarnermut Ataatsimiititaliap kommunalbestyrelsimit inassutigaa

Aningaasaqarnermut Ataatsimiititaliap inassutaa ilalerneqassasoq

Ilanngussaq:

Bilag 005-01: Kommunimi akingititat 2024

Aaliangiineq:

--

Matqqasoq:

Aningaasaqarnermut Ataatsimiititaliap aaliangernera:

*Inerisaanermi Ataatsimiititaliap Aningaasaqarnermi Ataatsimiititaliamut inassutingaa
Inerisaanermut Ataatsimiititaliap aaliangernera ilalerneqassasoq*

Aaliangerneq:

Inassutigineqartoq akuerineqarpoq.

Anthon Frederiksen-p inassutigaa nunarsuarmi rekordbog-mut allanneqarnissaanut suliniut misissorneqassasoq.

Inassuteqaat:

Aningaasaqarnermut Ataatsimiititaliap kommunalbestyrelsimit inassutigaa

Aningaasaqarnermut Ataatsimiititaliap inassutaa ilalerneqassasoq

Ilanngussat:

Bilag 006-01: Wille Siegstadip qimussimik sukkaniunnermi peqataaffigisimasai
Bilag 006-02: Wille Siegstadimik ilisarititsineq

Aaliangiineq:

--

Ataatsimiinneq naammassivoq nal.:

Atsiorfissaq:

- Aqqalu C. Jerimiassen (A) _____
- Knud Kleemann (A) _____
- Palle Jerimiassen (AT) _____
- Lena Ravn Davidsen (D) _____
- Bendt B. Kristiansen (IA) _____
- Jens Ole Nathanielsen (IA) _____
- Niels Davidsen (IA) _____
- Anthon Frederiksen (N) _____
- Jens Napâtok` (N) _____
- Ane Qujaukitsoq (S) _____
- Elisabeth Nielsen (S) _____
- Jens Kristian Therkelsen (S) _____
- Jakob Petersen (S) _____
- Jørgen Kruse (S) _____
- Magrethe Christensen (S) _____
- Sakio Fleischer, (S), _____
- Timotheus Petersen, (S) _____